



Alþingi
Erindi nr. Þ 138/2173
komudagur 11.5.2010

Nefndarsvið Alþingins
Austurstræti 8 - 10
150 Reykjavík


Reykjavík 11. maí 2010
Mál: 201005-0006

Efni: Umsögn um frumvarp til laga um breytingu á lögum um útlendinga, nr. 96 15. maí 2002, með síðari breytingum.

Frumvarpinu er ætlað að fullgilda samning Evrópuráðsins um aðgerðir gegn mansali, fullgilda samning Sameinuðu þjóðanna gegn fjölþjóðlegri skipulagðri brotastarfsemi, Palermó-samnings frá 15. nóvember 2000 og Palermó-bókunarinnar frá sama tíma þar sem á að koma í veg fyrir, berjast gegn og refsa fyrir verslun með fólk, einkum konur og börn.

Fullgildingin er í samræmi við aðgerðaáætlun Íslenskra stjórnvalda gegn mansali sem lögð var fyrir alþingi á 136. löggjafarþingi, þskj. 754.

Um er að ræða brýnar réttarbætur og styður Alþýðusamband Íslands samþykkt frumvarpsins.

Virðingarfyllst,

Marianna Traustadóttir,
Jafnréttisfulltrúi ASÍ

Alþýðusamband Íslands

• 101 Reykjavík
• 101 Reykjavík
• 101 Reykjavík

Alþingi
Erindi nr. D 138/2102
komudagur 10. 5. 2010



Nefndasvið Alþingis
Allsherjarnefnd
Austurstræti 8 – 10
150 Reykjavík

Reykjavík 10. maí 2010

**Efni: Umsögn BSRB um frumvarp til laga um breyting á lögum um útlendinga nr. 96
15. maí 2002, (dvalarleyfi fórnarlamba mansals), þskj. 896 - 509. mál.**

BSRB hefur fengið til umsagnar frumvarp til laga um breyting á lögum um útlendinga þar sem annars vegar eru rýmkaðar heimildir til að veita fórnarlambi mansals dvalarleyfi í allt að sex mánuði hér á landi og hins vegar að heimilt verði að veita fórnarlambi mansals endurnýjanlegt dvalarleyfi til eins árs. Þessi leyfi verði veitt þótt grunnskilyrðum um veitingu dvalarleyfa sé ekki fullnægt. Lagt er til að þessar breytingar verði gerðar á lögunum í tilefni af fyrirhugaðri fullgildingu samnings Evrópuráðsins um aðgerðir gegn mansali og svokallaðrar Palermó-bókunar.

BSRB styður eindregið framgang frumvarpsins en bandalagið hefur margsinnis tekið til umræðu mansal á vettvangi sínum. Á 41. þingi BSRB 2006 fordæmdi þingið í ályktun um mannréttindamál þau mannréttindabrot sem felast í mansali og vændi. Á 42. þingi BSRB 2009 var samþykkt sérstök ályktun um mansal þar sem lögð var áhersla á að til að stöðva mansal þyrfti að koma til alþjóðlegt samstarf stjórnvalda og frjálsra félagasamtaka. Í ályktuninni segir m.a. að til þess að ná árangri eru makvissar, samþættar og samræmdar aðgerðir gegn mansali á alþjóðavettvangi nauðsynlegar. Telur BSRB að frumvarpið sé liður í aðgerðum til að sporna við mansal og fagnar framlagningu þess.

Fyrir hönd BSRB,

Helga Jónsdóttir
framkvæmdastjóri



Alþingi
Erindi nr. P 138/2137
komudagur 11.5. 2010

Akureyri, 10. maí, 2010

Nefndasvið Alþingis
Austurstræti 8-10
150 Reykjavík


Umsögn um breytingar á lögum um útlendinga.
Þskj. 896. 509. mál

Félag stúdenta við háskólann á Akureyri gerir ekki neinar athugasemdir við frumvarpið að svo stöddu.

f.h. félags stúdenta við Háskólann á Akureyri.

Jóhanna Guðrún Snæfeld Magnúsdóttir, formaður.

Nefndasvið Alþingis
Kristjana Benediktsdóttir,
skjalavörður
Austurstræti 8-10
150 Reykjavík



Persónuvernd

Rauðarárstíg 10 105 Reykjavík
sími: 510 9600 bréfasími: 510 9606
netfang: postur@personuvernd.is
veffang: personuvernd.is

Reykjavík, 6. maí 2010
Tilvísun: 2010050430AT/--

Persónuvernd vísar til bréfs nefndasviðs Alþingis, dags. 3. maí 2010, þar sem óskað er umsagnar um breytingu á lögum nr. 96/2002, um útlendinga (509. mál á 138. löggjafarþingi). Er meginmarkmið frumvarpsins að breyta ákvæðum útlendingalaga í tilefni af fyrirhugaðri fullgildingu samnings Evrópuráðsins um aðgerðir gegn mansali frá 3. maí 2005, samnings Sameinuðu þjóðanna gegn fjölþjóðlegri, skipulagðri brotastarfsemi (Palermó -samningsins) frá 15. nóvember 2000 og bókunar við þann samning um að koma í veg fyrir, berjast gegn og refsa fyrir verslun með fólk, einkum konur og börn (Palermó-bókunar).

Stofnunin hefur kynnt sér frumvarpið, en tekið skal fram að athugun hennar byggist eingöngu á sjónarmiðum sem liggja að baki lögum nr. 77/2000 um persónuvernd og meðferð persónuupplýsinga, þ.e. um skráningu og meðferð persónuupplýsinga.

Eftir athugun á efni frumvarpsins er það álit Persónuverndar að ákvæði þess varði ekki vinnslu persónuupplýsinga og gerir Persónuvernd því ekki við það athugasemdir.

Virðingarfyllt
f.h. forstjóra

Alma Tryggvadóttir
lögfræðingur

Alþingi
Erindi nr. P 138/2171
komudagur 11.5. 2010

11.5.2010

**Umsögn Rauða kross Íslands um frumvarp til laga um útlendinga
(dvalarleyfi fórnarlamba mansals), 509. mál.**

Rauði kross Íslands fagnar frumvarpi til laga um breytingu á lögum um útlendinga nr. 96 í tilefni af fyrirhugaðri fullgildingu samnings Evrópuráðsins um aðgerðir gegn mansali og Palermó-samningsins.

Rauði kross Íslands hefur átt þátt í að móta samevrópska stefnu Rauða kross hreyfingarinnar um hvernig bregðast megi við skuggahliðum fólksflutninga milli landa og aðstoða þá hópa sem lenda á jaðri samfélagsins. Í þessu samstarfi hefur Rauði krossinn fundið áþreifanlega fyrir því hversu lítið er vitað um mansal hér á landi.

Í því skyni að rannsaka og meta aðstæður hugsanlegra fórnarlamba vann Rauði kross Íslands skýrslu, *Mansal- líka á Íslandi*, í samvinnu við Rannsóknastofu í kvenna- og kynjafræðum við Háskóla Íslands sem kynnt var í september á síðasta ári.. Um var að ræða grunnrannsókn á þessu viðfangsefni hér á landi, og vakti hún mikla athygli. Í kjölfar hennar hafa tvö mansalsmál komið til kasta lögreglu.

Þá undirritaði Rauð krossi Íslands einnig samstarfsyfirlýsingu með utanríkisráðuneyti nú í febrúar um hjálparstarf í austanverðri Evrópu í þeim tilgangi að vinna gegn mansali.

Rauði krossinn væntir því mikils af áframhaldandi samvinnu við stjórnvöld í baráttunni gegn mansali eftir fullgildingu þessa frumvarps.

Með bestu kveðju, / Best regards,

Sólveig Ólafsdóttir

sviðsstjóri útbreiðslusviðs / Director of Communications

Rauði kross Íslands / Icelandic Red Cross



Alþingi
Erindi nr. þ 138/2250
komudagur 14. 5. 2010

RÍKISLÖGREGLUSTJÓRINN

Reykjavík 11. maí 2010

Tilvísun: 2010050014
50.03

Nefndasvið Alþingis
Austurstræti 8-10
150 REYKJAVÍK

Efni: Umsögn - breyting á lögum um útlendinga, 509. mál

Með tölvupósti nefndasviðs Alþingis, dagsett 3. maí sl., er óskað umsagnar um frumvarp til laga um breytingu á lögum um útlendinga, nr. 95/2002, með síðari breytingum, 509. mál. Eftir athugun alþjóðadeildar ríkislögreglustjóra eru ekki gerðar athugasemdir við frumvarpið.

F.h. RLS

Thelma Cl. Þórðardóttir / Gísli Pálsson
Thelma Cl. Þórðardóttir / Gísli Pálsson

Alþingi
Erindi nr. p 138/1933
komudagur 5.5. 2010

Ríkissaksóknari

Reykjavík 4. maí 2010.

Nefndasviðs Alþingis
Austurstræti 10
150 Reykjavík

Allsherjarnefnd Alþingis hefur sent ríkissaksóknara til umsagnar frumvarp til laga um útlendinga (dvalarleyfi fórnarlamba mansals), 509. mál.

Ríkissaksóknari hefur engar athugasemdir við frumvarpið og leggur til að það verði samþykkt.


Valtýr Sigurðsson


Nefndasvið Alþingis
Austurstræti 8-10
150 Reykjavík


Reykjavík, 11. maí 2010
Tilvísun: 2010050001

Efni: Umsögn um frumvarp til laga um breytingu á lögum um útlendinga, nr. 96 frá 15. maí 2002 með síðari breytingum, þskj. 896, 509. mál.

Vísað er til bréfs yðar, dags. 3. maí 2010, þar sem óskað er umsagnar Útlendingastofnunar um frumvarp til laga um breytingu á lögum um útlendinga nr. 96 frá 15. maí 2002 með síðari breytingum, þskj. 896, 509. mál.

Útlendingastofnun þakkar fyrir að fá tækifæri til að koma að athugasemdum vegna ofangreinds frumvarps. Stofnunin gerir hins vegar engar athugasemdir við efni frumvarpsins, hvorki að hluta til né í heild.

Virðingarfyllst,
f.h. Útlendingastofnunar,


Hreiðar Eiríksson.